

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

Primljeno:	19 - 10 - 2022		
Org. jed.	Kl. ozna.	Red broj	Br. priloga
01	11	2724	1/22

Broj: 02-11-2682/22-AP-7  
Datum: 18.10.2022. godine

GRADSKO VIJEĆE ZAVIDOVIĆI  
n/r PREDSJEDAVAJUĆA GRADSKOG VIJEĆA  
mr. iur. Erna Merdić Smailhodžić

PREDMET: Informacija o provedenim aktivnostima o realizaciji Odluke o davanju saglasnosti Gradonačelniku za pristupanje postupku kupovine parne lokomotive, dostavlja se

U prilogu akta dostavljam Vam Informaciju o provedenim aktivnostima o realizaciji Odluke o davanju saglasnosti Gradonačelniku za pristupanje postupku kupovine parne lokomotive.

Informaciju o provedenim aktivnostima o realizaciji Odluke o davanju saglasnosti Gradonačelniku za pristupanje postupku kupovine parne lokomotive dostavljam Gradskom vijeću Zavidovići radi uvrštavanja u dnevni red sjednice Gradskog vijeća u skladu sa zaključkom Kolegija Gradskog vijeća Zavidovići broj 01-04-2698/22-AP-3 od 17.10.2022. godine.

S poštovanjem.

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



Broj: 02/1-11-2682/22-AP-6  
Datum: 18.10.2022. godine

## INFORMACIJA

O PROVEDENIM AKTIVNOSTIMA O REALIZACIJI ODLUKE O DAVANJU  
SAGLASNOSTI GRADONAČELNIKU ZA PRISTUPANJE POSTUPKU KUPOVINE  
PARNE LOKOMOTIVE



Broj: 02/1-11-2682/22-AP-6  
Datum: 18.10.2022. godine

GRADSKO VIJEĆE  
Z A V I D O V I Ć I

**PREDMET:** Informacija o provedenim aktivnostima o realizaciji Odluke o davanju saglasnosti Gradonačelniku za pristupanje postupku kupovine parne lokomotive, dostavlja se

I – UVOD

Gradsko vijeće Zavidovići na 3. sjednici održanoj dana 30.06.2022. godine, donijelo je Odluku o davanju saglasnosti Gradonačelniku Grada Zavidovići za pristupanje postupku kupovine parne lokomotive koja je objavljena u „Službenom glasniku Grada Zavidovići“, broj: 3/22 i koja je stupila na snagu 15.07.2022. godine. Navedenom odlukom Gradsko vijeće Zavidovići je dalo saglasnost Gradonačelniku Grada Zavidovići za pristupanje postupku kupovine (otkupa) parne lokomotive „Kusača“, serijski broj 4379, proizvedena godine 1901. u fabrici „Kraus“ Comp. Munchen – Linz, Njemačka, snage 90 KS, izložena u krugu PD „Krivaja“ d.o.o. Zavidovići - u stečaju.

II – PROVEDENE AKTIVNOSTI

U skladu sa Odlukom o davanju saglasnosti Gradonačelniku Grada Zavidovići za pristupanje postupku kupovine parne lokomotive Gradonačelnik je pristupio obezbjeđivanju sredstava za kupovinu lokomotive kada postupak prodaje bude pokrenut od strana stečajnog dužnika IP „KRIVAJA“ d.o.o. Zavidovići – u stečaju kao vlasnika iste. U tu svrhu predloženo je Gradskom vijeću Zavidovići donošenje Izmjena i dopuna Budžeta Grada Zavidovići za 2022. godinu koje su između ostalog imale za cilj da obezbijede sredstva za kupovinu parne lokomotive. Gradsko vijeće Zavidovići je na 4. sjednici održanoj 29.07.2022. godine donijelo Izmjene i dopune Budžeta Grada Zavidovići za 2022. godinu koje su objavljene u „Službenom glasniku Grada Zavidovići“, broj: 4/22 i koje su stupile na snagu 05.08.2022. godine. Na poziciji izdataka „Nabavka opreme“ u Izmjenama i dopunama Budžeta Grada Zavidovići za 2022. godinu planirano je povećanje sredstava sa 35.000,00 KM na 130.000,00 KM i predstavljaju povećanje izdataka za kupovinu parne lokomotive. Na ovaj način su u Budžetu Grada Zavidovići za 2022. godinu osigurana sredstva za realizaciju Odluku o davanju saglasnosti Gradonačelniku Grada Zavidovići za pristupanje postupku kupovine parne lokomotive „Kusača“, serijski broj 4379, proizvedena godine 1901. u fabrici „Kraus“ Comp. Munchen – Linz, Njemačka, snage 90 KS, izložena u krugu PD „Krivaja“ d.o.o. Zavidovići - u stečaju.

Dalje se pristupilo praćenju i očekivanju javne prodaje parne lokomotive od strane stečajnog dužnika IP „Krivaja“ d.o.o. Zavidovići – u stečaju putem javnog oglasa kako bi Grad Zavidovići sa svoje strane poduzeo aktivnosti na kupovini iste.

Međutim, u javnosti se počela pojavljivati 07.10.2022. godine ponovo pojavila informacija da je Grad Sarajevo kupio parnu lokomotivu. Na osnovu navedene informacije koja se pojavila u javnosti Gradonačelnik je 07.10.2022. godine uputio dopis Stečajnom upravniku i Odboru povjerilaca stečajnog dužnika IP „Krivaja“ d.o.o. Zavidovići – u stečaju broj 02-45-7/22-AP-136 kojim je traženo održavanje hitnog sastanka sa stečajnim upravnikom Hamdijom Muratović i članovima Odbora povjerilaca stečajnog dužnika, na kojem bi se razgovaralo o kupovini parne lokomotive „Kusača“, serijski broj 4379, proizvedena 1901. godine u fabrici „Kraus“ Comp. Munchen – Linz, Njemačka, snage 90 KS, izložena u krugu PD „Krivaja“ d.o.o. Zavidovići - u stečaju. Također je u navedenom aktu naglašeno da je Gradsko vijeće Zavidovići na svojoj 3. sjednici održanoj 30.06.2022. godine donijelo Odluku o davanju saglasnosti Gradonačelniku Grada Zavidovići za pristupanje postupku kupovine parne lokomotive „Kusača“, serijski broj 4379, proizvedena 1901. godine u fabrici „Kraus“ Comp. Munchen – Linz, Njemačka, snage 90 KS, izložena u krugu PD „Krivaja“ d.o.o. Zavidovići - u stečaju, koja je objavljena u “Službenom glasniku Grada Zavidovići”, broj: 3/22. Dalje je istaknuto da se i pored toga pojavile informacije da je parna lokomotiva „Kusače“ kupljena od strane Grada Sarajevo, iako nismo utvrdili da je javni poziv za prodaju parne lokomotive „Kusače“ bio objavljen i da je postupak prodaje zakazan. S tim u vezi predložili smo hitno održavanje sastanka i istakli da stojim na raspolaganju za održavanje sastanka svaki radni dan po njihovom pozivu u svakom momentu.

Do održavanja sastanka tražili smo da nam hitno dostave sljedeće podatke:

- Da li je objavljen javni poziv za prodaju parne lokomotive „Kusače“, te ako jeste kada je objavljen i u kojim medijima (novine, radio, televizija i slično),
- Da li je izvršena prodaja parne lokomotive „Kusače“, te ako jeste na koji način je izvršena prodaja, ko je kupac, po kojoj cijeni je prodana i da li je postupak prodaje završen?

Po navedenom dopisu Stečajni upravnik i Odbor povjerilaca stečajnog dužnika IP „Krivaja“ d.o.o. Zavidovići – u stečaju se nisu dostavili bilo kakav odgovor.

Budući da se u javnosti pojavila informacija o prodaji parne lokomotive (iako se ne zna gdje i kada je poziv za prodaju objavljen) Gradonačelnik je 14.10.2022. godin donio odluku o pokretanju postupka kupovine parne lokomotive putem pregovaračkog postupka bez objave obavještenja broj: 02-11-2688/22-AP-2 u skladu sa članom 22. stav (1) tačka d) Zakona o javnim nabavkama („Službeni glasnik BiH“, broj: 39/14 i 59/22) i uputio poziv stečajnom dužniku IP „Krivaja“ d.o.o. Zavidovići – u stečaju za dostavljanje zahtjeva za učešće u pregovorima za kupovinu parne lokomotive i podnošenje početne ponude za prodaju iste. Naime, u članu 22. stav (1) tačka d) Zakona o javnim nabavkama propisano je da se ugovor o javnoj nabavci robe može zaključiti u pregovaračkom postupku bez objave obavještenja za robe pod izuzetno povoljnim uslovima kada se nabavljaju ili od privrednog subjekta koji je u postupku likvidacije svojih poslovnih aktivnosti ili od stečajnog povjerioca ili stečajnog upravnika u postupku stečaja ili od povjerilaca po osnovu poslovnog aranžmana ili u sličnim postupcima, te se parna lokomotiva može kupiti na zakonit način samo uz primjenu pregovaračkog postupka bez objave obavještenja. Zahtjev za podnošenje zahtjeva za učešće u pregovorima za prodaju i podnošenje početne ponude dostavljen je stečajnom dužniku IP „Krivaja“ d.o.o. Zavidovići 14.10.2022. godine uz ostavljanje roka do 21.10.2022. godine za dostavljanje zahtjeva za učešće i početne ponde za prodaju parne lokomotive. Nakon isteka ostavljenog roka bit će utvrđeno da li stečajni dužnik IP „Krivaja“ d.o.o. Zavidovići – u stečaju namjerava parnu lokomotivu porodati Gradu Zavidovići ili Gradu Sarajevo. Prema našim saznanjima postupak prodaje parne lokomotive Gradu Sarajevo nije okončan u momentu izrade ove informacije i Grad Sarajevo nije donio odluku o prihvatanju ponude za kupovinu parne lokomotive od stečajnog dužnik IP „Krivaja“ d.o.o. Zavidovići – u stečaju (Utvrdeno uvidom

na veb stranicu Grada Sarajevo, kategorija JAVNE NABAVKE). Ukoliko je stečajni dužnik IP „Krivaja“ d.o.o. Zavidovići – u stečaju podnijela ponudu Gradu Sarajevo za prodaju parne lokomotive, mišljenja sam da od iste može odustati na način da ne pristupi zaključivanju ugovora o prodaji parne lokomotive, naročito što ima poziv od Grada Zavidovići za podnošenje zahtjeva za učešće u pregovorima i početne ponude za prodaju iste, parne lokomotive.

Također se u medijima pojavila odluka Odbora povjerilaca stečajnog dužnik „IP Krivaja“ d.o.o. Zavidovići – u stečaju o broj OP-88-IV/2022 od 14.07.2022. godine kojom se daje saglasnost stečajnom upravniku da parnu lokomotivu proda Gradu Sarajevo za 40.000,00 KM bez PDV-a. Analizom navedene odluke utvrđeno je da je ista donesena nakon donošenja Odluke Gradskog vijeća Zavidovići o davanju saglasnosti Gradonačelniku Grada Zavidovići za pristupanje postupku kupovine parne lokomotive (donesna 30.06.2022. godine). Odmah nakon saznanja za navedeno odluku Gradsko pravobranilaštvo Zavidovići se 13.10.2022. godine obratilo Općinskom sudu u Zenici, Odjeljenju stečajnog suda, stečajnom sudiji Sanji Pavlić sa zahtjevom broj P.14/22 da se navedena odluka poništi, kao i zahtjevom Odboru povjerilaca stečajnog dužnika IP „Krivaja“ d.o.o. Zavidovići – u stečaju za stavljanje navedene odluke van snage. Također se Gradonačelnik istim zahtjevom broj 02-45-7/22-AP-136 od 13.10.2022. godine obratio Općinskom sudu u Zenici, Odjeljenju stečajnog suda, stečajnom sudiji Sanji Pavlić. Po navedenim aktima Gradonačelnika i Gradskog pravobranilaštva Zavidovići nije dostavljen bilo kakav odgovor.

Budući da je historijski značaj parne lokomotive vezan za Grad Zavidovići odlučeno je da se održi sastanak sa Gradonačelnicom Grada Sarajeva kako bi se navedena činjenica prezentovala i kako bi uvjerali predstavnike Grada Sarajeva da odustanu od kupovine parne lokomotive. Gradonačelnik je 14.10.2022. godine uputio Gradonačelnici Grada Sarajeva Benjamini Karić prijedlog za održavanje sastanka broj 02-45-7/22-AP-138, na koji nismo dobili potvrdu o prihvatanju održavanja sastanka i terminu održavanja istog.

### III – ZAKLJUČNA RAZMATRANJA

Na osnovu navedenih činjenica u prethodnom poglavlju zaključuje se da su od strane nadležnih organa Grada Zavidovići poduzete sve potrebne aktivnosti da se izvrši kupovina parne lokomotive „Kusača“, serijski broj 4379, proizvedena godine 1901. u fabrici „Kraus“ Comp. Munchen – Linz, Njemačka, snage 90 KS, izložena u krugu PD „Krivaja“ d.o.o. Zavidovići u stečaju, kao i da se spriječi i ospori prodaja nevedene parne lokomotive drugim kupcima.

Zbog toga predlažemo sljedeće zaključke:

1. Da se Gradsko vijeće Zavidovići obrati Gradskom vijeću Sarajevo i Gradonačelnici Grada Sarajevo sa zahtjevom da Grad Sarajevo odustane od kupovine parne lokomotive zbog njezinog značaja za Grad Zavidovići,
2. Da se Gradsko vijeće Zavidovići obrati stečajnom dužniku IP „Krivaja“ d.o.o. Zavidovići – u stečaju da odustane od prodaje parne lokomotive Gradu Sarajevo i da istu proda Gradu Zavidovići.
3. Da Gradonačelnik sa nadležnim službama okonča postupak kupovine parne lokomotive i osigura lokaciju za njezino postavljanje nakon kupovine,
4. Da Gradsko pravobranilaštvo Zavidovići poduzme sve pravne radnje na osporavanju i poništenju akata i pravnih poslova prodaje i kupovine parne lokomotive drugim kupcima i subjektima.

S poštovanjem.


Prilog:

- Odluka o davanju saglasnosti Gradonačelniku Grada Zavidovići za pristupanje postupku kupovine parne lokomotive („Službeni glasnik Grada Zavidovići“, broj: 3/22),
- Zahtjev za održavanje sastanka broj 02-45-7/22-AP-136 od 07.10.2022. godine,
- Odluka o pokretanju postupka kupovine parne lokomotive putem pregovaračkog postupka bez objave obavještenja broj 02-11-2688/22-AP-2 od 14.10.2022. godine,
- Odluka Odbora povjerenika stečajnog dužnik „IP Krivaja“ d.o.o. Zavidovići – u stečaju o broj OP-88-IV/2022 od 14.07.2022. godine,
- Zahtjev Gradonačelnika Općinskom sudu u Zenici broj 02-45-7/22-AP-136 od 13.10.2022. godine
- Zahtjev Gradskog pravobranilaštva Zavidovići (Odboru povjerenika) broj P.14/22 od 13.10.2022. godine,
- Zahtjev Gradonačelnici Grada Sarajevo za održavanje sastanka broj 02-45-7/22-AP-138 od 14.10.2022. godine.

Dostavljeno:

1. Naslovu,
2. U spis.

Obradio:

  
(Nermin Čahtarević)



GRADONAČELNIK

doc. dr. Hašim Mujanović

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
GRADSKO VIJEĆE



Broj: 01-04-1891/22-AP-5  
Datum: 30.06.2022. godine

Na osnovu člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 25. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019) Gradsko vijeće Zavidovići na 3. sjednici održanoj dana 30.06.2022. godine, donijelo je

### ODLUKU

o davanju saglasnosti Gradonačelniku Grada Zavidovići  
za pristupanje postupku kupovine parne lokomotive

#### Član 1.

Gradsko vijeće Zavidovići daje saglasnost Gradonačelniku Grada Zavidovići za pristupanje postupku kupovine (otkupa) parne lokomotive „Kusača“, serijski broj 4379, proizvedena godine 1901. u fabrici „Kraus“ Comp. Munchen – Linz, Njemačka, snage 90 KS, izložena u krugu PD „Krivaja“ d.o.o. Zavidovići u stečaju.

#### Član 2.

Postupak iz tačke 1. ove Odluke provest će se u skladu sa zakonom i drugim propisima, a nakon čega će Gradsko vijeće Grada Zavidovići biti informisano o provedenim aktivnostima.

#### Član 3.

Ova Odluka stupa na snagu prvog dana od dana objavljivanja u „Službenom glasniku Grada Zavidovići“.

**PREDSJEDAVAJUĆA  
GRADSKOG VIJEĆA**

(M.P.)

mr. iur. Erna Merdić Smailhodžić, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



Broj: 02-45-7/22-AP-136  
Datum: 07.10.2022. godine

IP „KRIVAJA“ d.o.o. – u stečaju  
Ulica „Radnička“ broj 1

Z A V I D O V I Ć I

PREDMET: Kupovina parne lokomotive „Kusače“, dostavlja se

Poštovani,

Tražimo održavanje hitnog sastanka sa stečajnim upravnikom Hamdijom Muratović i članovima Odbora povjerenika stečajnog dužnika, na kojem bi se razgovaralo o kupovini parne lokomotive „Kusača“, serijski broj 4379, proizvedena 1901. godine u fabrici „Kraus“ Comp. Munchen – Linz, Njemačka, snage 90 KS, izložena u krugu PD „Krivaja“ d.o.o. Zavidovići u stečaju.

Kao što vam je poznato Gradsko vijeće Zavidovići na svojoj 3. sjednici održanoj 30.06.2022. godine donijelo je Odluku o davanju saglasnosti Gradonačelniku Grada Zavidovići za pristupanje postupku kupovine parne lokomotive „Kusača“, serijski broj 4379, proizvedena 1901. godine u fabrici „Kraus“ Comp. Munchen – Linz, Njemačka, snage 90 KS, izložena u krugu PD „Krivaja“ d.o.o. Zavidovići u stečaju, koja je objavljena u „Službenom glasniku Grada Zavidovići“ broj 3/22. I pored toga objavile su se informacije da je parna lokomotiva „Kusače“ kupljena od strane Grada Sarajevo, iako nismo utvrdili da je javni poziv za prodaju parne lokomotive „Kusače“ bio objavljen i da je postupak prodaje zakazan.

Stim u vezi predležmo hitno održavanje sastanka, te stojim na raspolaganju za održavanje sastanka svaki radni dan po vašem pozivu u svakom momentu.

Do održavanja sastanka potrebno je da nam hitno dostavite sledeće podatke:

- Da li je objavljen javni poziv za prodaju parne lokomotive „Kusače“, te ako jeste kada je objavljen i u kojim medijima (novine, radio, televizija i slično),
- Da li je izvršena prodaja parne lokomotive „Kusače“, te ako jeste na koji način je izvršena prodaja, ko je kupac, po kojoj cijene je prodana i da li je postupak prodaje završen.

S poštovanjem.

Dostavljeno:


1. Naslovu,
2. U spis.

GRADONAČELNIK

doc. dr. Hašim Mujanović

1





Broj: 02-11-2688/22-AP-2

Datum: 14.10.2022. godine

Na osnovu člana 17. i 18., a u vezi sa članom 22. stav 1. tačka d) Zakona o javnim nabavkama („Službeni glasnik BiH“, broj 39/14 i 59/22) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), u predmetu dodjele ugovora o javnoj nabavci roba „Javna nabavka parne lokomotive za potrebe grada Zavidovići“, Gradonačelnik grada Zavidovića, donosi

## ODLUKU

o pokretanju postupka javne nabavke radova roba „Javna nabavka parne lokomotive za potrebe grada Zavidovići “

1. Odobrava se pokretanje postupka dodjele ugovora o javnoj nabavci roba „Javna nabavka parne lokomotive za potrebe grada Zavidovići“ .
2. Procijenjena vrijednost nabavke predmetnih roba iznosi 45.000,00 KM (bez uračunatog PDV-a).
3. Javna nabavka radova iz tačke 1. ove Odluke finansirat će se iz Budžeta Grada Zavidovići za 2022. godinu („Službeni glasnik Grada Zavidovića 11/2021 i 4/22), konto 8213191 , izdaci „Nabavka opreme“, u skladu sa odredbama Odluke o izvršenju Budžeta općine Zavidovići za 2022. godine („Službeni glasnik Općine Zavidovići“, broj: 11/2021 i 4/22).
4. Postupak dodjele ugovora o javnoj nabavci radova iz tačke 1. ove Odluke će se provesti putem pregovaračkog postupka bez objave obavještenja o nabavci u skladu sa članom 22. stav 1. tačka d) Zakona o javnim nabavkama.
5. Trajanje ugovora je 30 (trideset) kalendarskih dana.
6. Ova Odluka kojom se pokreće javna nabavka roba „Javna nabavka parne lokomotive za potrebe grada Zavidovići“ dopunjava Plan javnih nabavki za 2022. godinu broj: 02-11-1867/22-AP-2 od 30.06.2021. godine, i čini njegov sastavni dio.
7. O realizaciji javne nabavke roba „Javna nabavka parne lokomotive za potrebe grada Zavidovići“, staraće se Stručna služba gradonačelnika.
8. Odluka stupa na snagu danom donošenja i bit će objavljena na službenoj veb stranici Općine Zavidovići.

## Obrazloženje

Stručna služba gradonačelnika podnijela je Zahtjev za realizaciju javne nabavke roba „Javna nabavka parne lokomotive za potrebe grada Zavidovići“, broj:02/1-11-2682/22-AP-5 od 13.10.2022. godine. U zahtjevu je navedeno da je predmet kupovine javne nabavke parna lokomotiva „KUSAČE“ koja se nalazi u dvorištu IP „Krivaja“ d.o.o. Zavidovići u stečaju i koja se prodaje u postupku stečajnog postupka koji se provodi nad navedenim stečajnim dužnikom.

Javna nabavka roba „Javna nabavka parne lokomotive za potrebe grada Zavidovići“ će se provesti putem pregovaračkog postupka bez objave obavještenja.

Odredbom člana 22. stav 1 tačka d) Zakona o javnim nabavkama propisano je da „Ugovor o javnoj nabavci roba može se zaključiti u pregovaračkom postupku bez objave obavještenja u sljedećim slučajevima: a) kada je roba koja se nabavlja proizvedena isključivo za svrhe: istraživanja, eksperimentisanja, proučavanja ili razvoja, ova odredba ne odnosi se na serijsku proizvodnju, s ciljem ostvarenja zarade ili nadoknade troškova istraživanja i razvoja;

b) za dodatne isporuke od dobavljača iz osnovnog ugovora, koje su namijenjene ili kao djelimična zamjena redovnih isporuka ili ugradnje ili kao proširenje postojećih isporuka ili ugradnje, ukoliko bi promjena dobavljača obavezala ugovorni organ da nabavi robu koja ima drugačije tehničke karakteristike, što bi rezultiralo neskladom i nesrazmjerom i izazvalo značajne tehničke teškoće u funkcionisanju i održavanju, pod uslovom da vrijeme trajanja osnovnog ugovora kao i ugovora koji se ponavljaju ne smije biti duže od jedne godine i ne može preći 10% od vrijednosti osnovnog ugovora;

c) za robu koja se prodaje i kupuje na berzovnom tržištu;


d) za robu pod izuzetno povoljnim uslovima kada se nabavlja ili od privrednog subjekta koji je u postupku likvidacije svojih poslovnih aktivnosti ili od stečajnog povjerioca ili stečajnog upravnika u postupku stečaja, ili od povjerioca po osnovu poslovnog aranžmana ili u sličnim postupcima.


Shodno naprijed navedenom u skladu sa odredbama člana 22. stav 1. tačka d) Zakona o javnim nabavkama, odlučeno je kao u dispozitivu.


Dostavljeno:

1. Stručna služba gradonačelnika
2. Služba uprave finansija, budžet i trezor
3. U spis.

GRADONAČELNIK  
doc. dr. Hašim Mujanović



Obradio/la:   
(Sanela Mulahasanović)

Kontrolisao:   
(Midhat Bajramović)

IP „KRIVAJA“ D.O.O. ZAVIDOVIĆI u stečaju  
ODBOR POVJERILACA  
BROJ: OP-88-IV/2022  
DANA: 14.07.2022. godine


Na osnovu člana 29. stav 6 i člana 108. Zakona o stečajnom postupku ( Službene novine FBiH broj. 29/03, 32/04, 42/06,52/18) u IP „Krivaja“ d.o.o. Zavidovići u stečaju, Odbor povjerilaca je donio

### ODLUKU

Daje se saglasnost stečajnom upravniku da nakon sedam bezuspješno objavljenih oglasa o prodaji Gradu Sarajevo proda Parnu lokomotivu „Kusače“, serijski broj 4379, proizvedena godine 1901 u fabric „Kraus“Comp.Munchen & Linz, Njemačka ,snage 90ks po cijeni od 40.000,00 KM bez PDV-a.

Odluka jednoglasno usvojena i nalazi se kao prilog zapisniku.

**PREDSJEDNIK ODBORA POVJERILACA**

*Baki Ferid*  




Broj: 02-45-7/22-AP-136  
Datum: 14.10.2022. godine

OPĆINSKI SUD ZENICA

ODJELJENJE STEČAJNOG SUDA  
n/r gđa.Sanja Pavlić , stečajni sudija

Predmet : Zahtjev za poništenje Odluke o dosudi

**Poštovana gospodo Pavlić , dana 14.07.2022. godine Odbor povjerenica IP "Krivaja ,, d.o.o. Zavidovići u stečaju je donio Odluku Broj: OP-88-IV/2022 od 14.07.2022. godine kojom je dao saglasnost stečajnom upravniku da neposredno bez oglašavanja proda Gradu Sarajevu Parnu lokomotivu „Kusače ,, serijski broj 4379 proizvedena 1901 godine u fabrici „Kraus ,, Comp Munchen & Linz , Njemačka , snage 90 ks po cijeni od 40.000,00 KM bez PDV-a , o čemu ste vjerovatno upoznati.**

**Grad Zavidovići se direktno obratio pisanim zahtjevom Odboru povjerenica IP"Krivaja ,, d.o.o. Zavidovići u stečaju , a u nastavku Vam iznosimo sadržaj našeg podneska upućenog Odboru povjerenica :**

**Naš Zahtjev upućen Odboru povjerenica glasi :“**

Ovim putem tražimo da HITNO donesenu Odluku stavite van snage jer je donesenom Odlukom na direktan način povrijeđeno pravo Grada Zavidovića na njeno industrijsko nasljeđe , te na njeno pravo preče kupovine , te Vas podsjećamo da je Grad Zavidovići već duži period sa stečajnom upravom u pregovorima oko kupovine „Vila Krivaja ,, , i cijelog lokaliteta sa pratećim sadržajima.

Kao potvrdu ovog navoda dostavljam Vam Odluku o davanju saglasnosti Gradonačelniku Grada Zavidovići da pristupi postupku kupovine ( otkupa ) parne lokomotive „Kusače ,, serijski broj 4379 proizvedena 1901 godine u fabrici „Kraus ,, Comp Munchen & Linz , Njemačka , snage 90 ks izložene u krugu PD „Krivaja ,, d.o.o. Zavidovići u stečaju koju je Gradsko vijeće donijelo 30.06.2022. godine na 3. Sjednici .

Ovakvim postupkom će jedna jako loša slika otići iz Zavidovića , a sa druge strane Vi nećete zaraditi više jer ste po istoj cijeni Parnu lokomotivu morali prvo ponuditi Gradu Zavidovići , a nepotrebno ste uzrokovali i nanijeli nepopravljivu štetu odnosima dva grada o čemu ste morali voditi računa jer smo prisiljeni tužbom zaštititi naša prava ukoliko Odluku o prodaji pod hitno ne stavite van snage .

Podsjećamo Vas da je Vama i Ministarstvu za obrazovanje , nauku , kulturu i sport Zeničko – dobojskog kantona Zavod za zaštitu spomenika Federacije BiH još 01.07.2020. godine

dostavio akt za postupanje sa cijelim lokalitetom „ Vila Krivaja „ , kao i sa pokretnim industrijskim nasljeđem u krugu Vile i krugu Krivaje , uključujući parnu lokomotivu „Kusače“ gdje se eksplicitno navodi pravo preče kupovine koje ima Općina Zavidovići , sada Grad Zavidovići , odnosno Zeničko – dobojski kanton , da se u zadnjoj alineji jasno navodi da je potrebno izvršiti sve radnje da se austrougarski objekat s pokretnim industrijskim nasljeđem adekvatno pravno zaštititi , te da ga se koristi u muzejsko – edukativne svrhe , da je činjenica da Grad Zavidovići ne posjeduje muzej , te da je objekat Vile idealan za muzejsko edukativnu namjenu što je i definirano u mjerama zaštite i trajnog očuvanja Komisije , da je industrijsko nasljeđe ogromni potencijal lokalnog ekonomskog razvoja ... dakle ovim postupkom direktno ste povrijedili pravo Grada Zavidovići kao jedinice lokalne samouprave na njenu imovinu , te ćemo ukoliko to bude trebalo tražiti zaštitu naših Ustavom FBiH zagarantovanih prava pred Ustavnim sudom Federacije Bosne i Hercegovine , do čega se nadamo neće doći.

Zavod za zaštitu spomenika FBiH je evidentirao sva pokretna dobra u krugu cijele Krivaje uključujući i lokomotivu Kusače koja spada u „ dobro „ koje samo po sebi može biti vrednovano i nominovano za nacionalni spomenik kao prijevozno sredstvo starije od 75 godina prema Pravilniku o kriterijima vrednovanja dobara , podijeli po predmetu pravne zaštite i postupku kategorizacije nacionalnih spomenika ( „ Službeni glasnik BiH „ Broj: 47/2018) .

Takođe Grad Zavidovići je uputio Vladi Federacije BiH zahtjev za donošenje Uredbe o izuzimanju Nacionalnog spomenika „Vila Krivaja „ iz stečajne mase IP „Krivaja“ d.o.o. Zavidovići u stečaju i prijedlog izmjene Zakona o stečaju FBiH , kao i izuzimanje vrijednog fonda spomenika i predmeta stare proizvodne tehnologije od velike vrijednosti i značaja : velike parne mašine iz 1906. Godine sa klipovima , kranom i drugim pripadajućim dijelovima kao što su ručna presa i drugi infrastrukturni elementi koji pripadaju postrojenju , stare šumske lokomotive , gateri , cirkulari , i vatrogasna pumpa iz 1893 . godine .

Podsjećam Vas da se zaštićena dobra u društvenoj svojini ne mogu otuđiti fizičkom ili građanskom pravnom licu što je propisano članom 79. Zakona o zaštiti i korišćenju kulturno – istorijskog i prirodnog nasljeđa SR BiH koji je preuzet kao Zakon BiH ( „ Službeni list SRBiH „ Broj : 20/85).

Vi ste državno vlasništvo Federacije u 100% dijelu , te stoga ni niste mogli da vršite prodaju Vile „Krivaja „ pa ni parne lokomotive „ Kusače “ , već ste i jedno i drugo u skladu sa članom 84 . Zakona o zaštiti i korišćenju kulturno- istorijskog i prirodnog nasljeđa prvo bili dužni ponuditi Opštini ( sada Gradu Zavidovići ) na čijem teritoriju se ista dobra nalaze , a koju ponudu smo očekivali jer smo Vam u više navrata slali pisma namijere .

Molimo Vas da učinjenu štetu umanjimo na način da stavite van snage Odluku o prodaji parne lokomotive „Kusače“ gradu Sarajevu , te Vas pozivamo da u skladu sa Odlukom Gradskog vijeća Grada Zavidovići Broj: 01-04-1891/22- AP -5 od 30.06.2022. godine pokrenete procedure kako bi se ova Odluka , ali i Zaključak Gradskog vijeća Grada Zavidovići Broj: 01-36-401/21- AP -3 od 26.02.2021. godine usvojen u povodu Informacije o statusu Nacionalnog spomenika „Vila Krivaja „ realizovali na radost svih naših sugrađana .

Očekujemo da sa predstavnicima stečajne uprave IP“Krivaja „ d.o.o. Zavidovići u stečaju , kao i Odborom povjerenika u zgradi organa uprave Grada Zavidovići na ove teme održimo sastanak u cilju postizanja načelnog sporazuma za kupovinu naprijed opisanih dijelova stečajne mase , a kako bismo plaćanje mogli planirati u Budžetu Grada Zavidovići za 2023. godinu čije usvajanje slijedi do konca tekuće godine , što bi i Vama bio garant kada je u pitanju sama realizacija Zaključaka Gradskog vijeća.

Smatramo da će Grad Sarajevo koji obiluje znamenitostima i koje mi izuzetno cijenimo imati razumijevanje da se radi o identitetu građana Grada Zavidovići , da se radi o industrijskom nasljeđu , o historiji našega grada , o simbolima i da niko nikom ne treba u simbole dirati .

Poštovani članovi Odbora povjerenika pozivam Vas da se izdignemo iznad i činjenice da se radi o preduzeću u stečaju i da shodno svako svom osjećaju za Grad Zavidovići donesete odluku , pri tom imajući u vidu koliko je ovaj lokalitet , pa i Parna lokomotiva Kusače bitna za osjećaj biti Zavidovićanin . „

**Kao što ste pročitali , a kako bi bili izbjegnuti nepotrebni sporovi ukoliko još niste tražimo da ne donosite Odluku o dosudi parne lokomotive „ Kusače „ .Tako biste nam ostavili prostor da se ovo pitanje riješi bez pokretanja novih sudskih sporova kojim je ionako opterećeno ovo preduzeće u stečaju , a time i Grad Zavidovići jer neriješeni problemi radnika ove firme su iznimno velik socijalni problem za naš grad , te stoga Vas molimo da donošenjem Odluke o dosudi dodatno ne pogoršavate ionako tešku sliku problema sa kojima se Grad Zavidovići i njeni sugrađani svakodnevno susreću .**

**Pokrenuli smo razgovore sa Gradom Sarajevom na ovu temu , te stoga Vas molimo da ne donosite Odluku o dosudi i time damo priliku sporazumnom rješenju ovog problema.**


S poštovanjem.

Dostavljeno:

- 1. Naslovu,
- 2. U spis.

GRADONAČELNIK

doc. dr. Hašim Mujanović



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
GRADSKO PRAVOBRANILAŠTVO



Broj: P. 14/22

Dana: 13.10.2022.godine

**HITNO!**

IP „Krivaja „ d.o.o. Zavidovići u stečaju

ODBOR POVJERILACA

Veza Vaš akt Broj: OP-88-IV/2022 od 14.07.2022. godine

Poštovani , dana 14.07.2022. godine donijeli ste Odluku Broj: OP-88-IV/2022 od 14.07.2022. godine kojom ste dali saglasnost stečajnom upravniku da neposredno bez oglašavanja proda Gradu Sarajevu Parnu lokomotivu „Kusače „ serijski broj 4379 proizvedena 1901 godine u fabrici „Kraus „, Comp Munchen & Linz , Njemačka , snage 90 ks po cijeni od 40.000,00 KM bez PDV-a .

Ovim putem tražimo da HITNO donesenu Odluku stavite van snage jer je donesenom Odlukom na direktan način povrijeđeno pravo Grada Zavidovića na njeno industrijsko nasljeđe , te na njeno pravo preče kupovine , te Vas podsjećamo da je Grad Zavidovići već duži period sa stečajnom upravom u pregovorima oko kupovine „Vila Krivaja „ , i cijelog lokaliteta sa pratećim sadržajima.

Kao potvrdu ovog navoda dostavljam Vam Odluku o davanju saglasnosti Gradonačelniku Grada Zavidovići da pristupi postupku kupovine ( otkupa ) parne lokomotive „Kusače „ serijski broj 4379 proizvedena 1901 godine u fabrici „Kraus „, Comp Munchen & Linz , Njemačka , snage 90 ks izložene u krugu PD „Krivaja „, d.o.o. Zavidovići u stečaju koju je Gradsko vijeće donijelo 30.06.2022. godine na 3. Sjednici .

Ovakvim postupkom će jedna jako loša slika otići iz Zavidovića , a sa druge strane Vi nećete zaraditi više jer ste po istoj cijeni Parnu lokomotivu morali prvo ponuditi Gradu Zavidovići , a nepotrebno ste uzrokovali i nanijeli nepopravljivu štetu odnosima dva grada o čemu ste morali voditi računa jer smo prisiljeni tužbom zaštititi naša prava ukoliko Odluku o prodaji pod hitno ne stavite van snage .

Podsjećamo Vas da je Vama i Ministarstvu za obrazovanje , nauku , kulturu i sport Zeničko – dobojskog kantona Zavod za zaštitu spomenika Federacije BiH još 01.07.2020. godine dostavio akt za postupanje sa cijelim lokalitetom „ Vila Krivaja „ , kao i sa pokretnim industrijskim nasljeđem u krugu Vile i krugu Krivaje , uključujući parnu lokomotivu „Kusače“ gdje se eksplicitno navodi pravo preče kupovine koje ima Općina Zavidovići , sada Grad Zavidovići ,

odnosno Zeničko – dobojski kanton , da se u zadnjoj alineji jasno navodi da je potrebno izvršiti sve radnje da se austrougarski objekat s pokretnim industrijskim nasljeđem adekvatno pravno zaštititi , te da ga se koristi u muzejsko – edukativne svrhe , da je činjenica da Grad Zavidovići ne posjeduje muzej , te da je objekat Vile idealan za muzejsko edukativnu namjenu što je i definirano u mjerama zaštite i trajnog očuvanja Komisije , da je industrijsko nasljeđe ogromni potencijal lokalnog ekonomskog razvoja .., dakle ovim postupkom direktno ste povrijedili pravo Grada Zavidovići kao jedinice lokalne samouprave na njenu imovinu , te ćemo ukoliko to bude trebalo tražiti zaštitu naših Ustavom FBiH zagwarantovanih prava pred Ustavnim sudom Federacije Bosne i Hercegovine , do čega se nadamo neće doći.

Zavod za zaštitu spomenika FBiH je evidentirao sva pokretna dobra u krugu cijele Krivaje uključujući i lokomotivu Kusače koja spada u „ dobro „ koje samo po sebi može biti vrednovano i nominovano za nacionalni spomenik kao prijevozno sredstvo starije od 75 godina prema Pravilniku o kriterijima vrednovanja dobara , podijeli po predmetu pravne zaštite i postupku kategorizacije nacionalnih spomenika ( „ Službeni glasnik BiH „ Broj: 47/2018) .

Takođe Grad Zavidovići je uputio Vladi Federacije BiH zahtjev za donošenje Uredbe o izuzimanju Nacionalnog spomenika „Vila Krivaja „ iz stečajne mase IP „Krivaja“ d.o.o. Zavidovići u stečaju i prijedlog izmjene Zakona o stečaju FBiH , kao i izuzimanje vrijednog fonda spomenika i predmeta stare proizvodne tehnologije od velike vrijednosti i značaja : velike parne mašine iz 1906. Godine sa klipovima , kranom i drugim pripadajućim dijelovima kao što su ručna presa i drugi infrastrukturni elementi koji pripadaju postrojenju , stare šumske lokomotive , gateri , cirkulari , i vatrogasna pumpa iz 1893 . godine .

Podsjećam Vas da se zaštićena dobra u društvenoj svojini ne mogu otuđiti fizičkom ili građanskom pravnom licu što je propisano članom 79. Zakona o zaštiti i korišćenju kulturno – istorijskog i prirodnog nasljeđa SR BiH koji je preuzet kao Zakon BiH („ Službeni list SRBiH „ Broj : 20/85).

Vi ste državno vlasništvo Federacije u 100% dijelu , te stoga ni niste mogli da vršite prodaju Vile „Krivaja „ pa ni parne lokomotive „ Kusače “, već ste i jedno i drugo u skladu sa članom 84 . Zakona o zaštiti i korišćenju kulturno- istorijskog i prirodnog nasljeđa prvo bili dužni ponuditi Opštini ( sada Gradu Zavidovići ) na čijem teritoriju se ista dobra nalaze , a koju ponudu smo očekivali jer smo Vam u više navrata slali pisma namijere .

Molimo Vas da učinjenu štetu umanjimo na način da stavite van snage Odluku o prodaji parne lokomotive „Kusače“ gradu Sarajevu , te Vas pozivamo da u skladu sa Odlukom Gradskog vijeća Grada Zavidovići Broj: 01-04-1891/22- AP -5 od 30.06.2022. godine pokrenete procedure kako bi se ova Odluka , ali i Zaključak Gradskog vijeća Grada Zavidovići Broj: 01-36-401/21- AP -3 od 26.02.2021. godine usvojen u povodu Informacije o statusu Nacionalnog spomenika „Vila Krivaja „ realizovali na radost svih naših sugrađana .

Očekujemo da sa predstavnicima stečajne uprave IP“Krivaja „ d.o.o. Zavidovići u stečaju , kao i Odborom povjerilaca u zgradi organa uprave Grada Zavidovići na ove teme održimo sastanak u cilju postizanja načelnog sporazuma za kupovinu naprijed opisanih dijelova stečajne mase , a kako bismo plaćanje mogli planirati u Budžetu Grada Zavidovići za 2023. godinu čije usvajanje slijedi do konca tekuće godine , što bi i Vama bio garant kada je u pitanju sama realizacija Zaključaka Gradskog vijeća.



Smatramo da će Grad Sarajevo koji obiluje znamenitostima i koje mi izuzetno cijenimo imati razumijevanje da se radi o identitetu građana Grada Zavidovići , da se radi o industrijskom nasljeđu , o historiji našega grada , o simbolima i da niko nikom ne treba u simbole dirati .

Poštovani članovi Odbora povjerenika pozivam Vas da se izdignemo iznad i činjenice da se radi o preduzeću u stečaju i da shodno svako svom osjećaju za Grad Zavidovići donesete odluku , pri tom imajući u vidu koliko je ovaj lokalitet , pa i Parna lokomotiva Kusače bitna za osjećaj biti Zavidovićanin .

S poštovanjem !



Grad Zavidovići, Ulica Safvet-bega Bašagića broj 9, 72220 Zavidovići  
Telefon: 032/206-780 info, fax: 032/206-706, [www.zavidovici.ba](http://www.zavidovici.ba), [opzdici@bih.net.ba](mailto:opzdici@bih.net.ba), [opcina.zavidovici@zavidovici.ba](mailto:opcina.zavidovici@zavidovici.ba)



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



Broj: 02-45-7/22-AP-138  
Datum: 14.10.2022. godine

GRAD SARAJEVO  
GRADONAČELNICA  
n/r doc. dr. Benjamina Karić  
Ulica „Hamdije Kreševljakovića“ broj 3

S A R A J E V O

PREDMET: Zahtjev za održavanje sastanka, dostavlja se

Poštovana Gradonačelnice Benjamina Karić,

Obraćamo Vam se sa zahtjevom za održavanje sastanka na kojem bi se razgovaralo u vezi sa nastankom situacije oko prodaje i kupovine parne lokomotive „Kusače“ koja se nalazi u Zavidovićima u krugu Privrednog društva IP „KRIVAJA“ d.o.o. Zavidovići – u stečaju. Smatramo da bi međusobnim razgovorima pronašli odgovarajuće rješenje za izlaz iz ove situacije na obostrano zadovoljstvo.

Poznato Vam je da je Gradsko vijeće Zavidovići 30.06.2022. godine donijelo Odluku o davanju saglasnosti Gradonačelniku da pristupi kupovini navedene Lokomotive i da je jučer 13.10.2022. godine održan skup građana Grada Zavidovići koji se protive da ista bude prodana Gradu Sarajevo uz ubjeđenje da Grad Sarajevo s Vama na čelu nisu bili informisani o značaju ove Lokomotive za Grad Zavidoviće kada ste donosili Odluku za njezinu kupovinu.

Predlažemo da se sastanak održi što je prije moguće u skladu s Vašim mogućnostima, te ćemo se prilagoditi svakom terminu održavanja sastanka koji odredite.

Vaš odgovor po prijedlogu za održavanje sastanka možete dostaviti na:

- Telefon: 032-206-701,
- Fax: 032-206-706,
- E-mail: [opzdici@bih.net.ba](mailto:opzdici@bih.net.ba).

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović



**Komisija za budžet, finansije i  
ekonomska pitanja**

Broj: 01-11-2724/22-AP-2

Datum: 21.10.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19 i 4/21) i („Službeni glasnik Grada Zavidovići“, broj: 4/22 i 5/22), Komisija za budžet, finansije i ekonomska pitanja na 7. sjednici održanoj dana 21.10.2022. godine, razmatrala je Informacija o provedenim aktivnostima o realizaciji Odluke o davanju saglasnosti Gradonačelniku za pristupanje postupku kupovine parne lokomotive, pa nakon rasprave donijela

## ZAKLJUČAK

1. Komisija za budžet, finansije i ekonomska pitanja prihvata Informacija o provedenim aktivnostima o realizaciji Odluke o davanju saglasnosti Gradonačelniku za pristupanje postupku kupovine parne lokomotive.

2. Komisija za budžet, finansije i ekonomska pitanja konstatuje da su za realizaciju Odluke o davanju saglasnosti Gradonačelniku za pristupanje postupku kupovine parne lokomotive („Službeni glasnik Grada Zavidovići“, broj: 3/22), planirana sredstva u Budžetu Grada Zavidovići za 2022. godinu („Službeni glasnik Općine Zavidovići“, broj: 11/21) i („Službeni glasnik Grada Zavidovići“, broj: 4/22), na transferu „Nabavka opreme“.

3. Prijedlog Odluke o izmjenama i dopunama Odluke o javnom redu i miru sa Izvještajem o provedenoj javnoj raspravi, dostavlja se predsjedavajućoj radi uvrštavanja u dnevni red sjednice Gradskog vijeća.

4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike